

句曲外史  
詩集

四部叢刊初編集部

上海商務印書館  
縮印影寫元刊本



貞居先生詩集序

陶弘景在齊梁嘗掛冠居句曲山自號華陽隱居性雅淡葢山水每經澗谷必吟詠取桓桓喜著書賦詩旁通陰陽醫藥出術朝廷屢徵不起也己高尚稱之後七百餘年當元盛嘗貞居己儒者拙簪人道自錢塘來句曲負逸才英氣己詩著名格調清麗句語新奇可謂詩家出傑出者也當是嘗己詩文名出者若趙松雪虞道園范德機楊仲宏諸君子己英瑋之姿凌跨一代諧鳴于館閣之上而流風餘韻

播諸丘壑之間貞居己豪邁之氣超然自得獨鳴于丘壑之間而清聲雅調聞諸館閣之上諸君子亦嘗與其唱酬往還雖出處不同而同爲詞章之宗匠譬如軒輊詎知其孰先而孰後耶矧貞居博學多聞襟懷蕭灑故大夫士多景慕而樂道之也夫隱居貞居嘗出先後好尚問學侶未可己同曰語然隱居之清風高節貞居之雅度逸才大可謂前春而後應豈非句曲山清爽之氣鍾秀於二子歟己吾夫子中庸之道脩己治人之學金

聲玉振之文昭著于天墜使其  
學道而望洙泗之科猶未易量  
也至若奔競功名蹀躞聲利醉  
生夢死不自覺者則二子之風  
度將追嚴子陵陸脩靜之武歟  
易曰平事王侯高尚其事二子  
其庶幾乎貞居張姓雨名伯雨  
字貞居其自號句曲外史去人  
稱之也吳郡徐達左序





句曲外史貞居先生詩集卷之一



吳郡海昌張雨伯兩撰

江浙鄉貢進士姪誼編類

吳郡徐連左校正

辭 潭上行吟觀潭中樹影

經流泓兮若媚景內澈兮下孰為地惚馮虛兮輭頰  
恍臨深兮校陸群木倒植兮雲薄其外雲乘颺兮羣  
木皆曳使予極冥々而下視兮審蒼々兮若是

題黃子久畫

大山坳兮矗立浮雲靡兮上征幽人居兮泉縈澗絡  
玉趾傷兮木縱石橫

銘 劍石銘 石在景隆觀長踰尋廣不及尺黝

碧如鉄鐔鐔具焉予作銘未幾夜半有力者負去

鍊質鴻蒙挺鋒截障正一之氣弗壅弗遏星精內孕  
玉理傍達瑩謝鶴膏書存紅沫倚天卓地排氛鎮駭  
坻茲神宮善建不拔

梔竹杖銘

梔竹江心古所尚採作仙人玉節杖挾尔飛行九霄  
上

白雲窓銘

衆山皆空一室且虛以空合虛白雲攸居假吾身之  
戶牖為元氣之道途無之為用蓋聖人所不能逾況  
居室乎

四言

春雨謠效謝靈運善哉行仍依韻

南山殷雷靈雨辰落漉々湍瀨翳々林薄惠我霑足  
忘波離索北谷虛受游氛汎卻嵌巖篁鼓隰隴謳譁  
脉潤纖茨溜搏餘萼載歌停雲懷人於鑠柴桑邀矣  
觴至獨酌亦勞尔耕飲和祛瘴勗哉老農同憂同樂

分題山水幀

入山種樹其葉紛披迨予還山樹禿無枝戕于斧斤  
人得衛之寒暑之戕予其早衰

琴賢為濱洲葉則善作先是薛外史贊綃書

大字類顏光祿體則善復命僕次韻配之

石上之枯玉質粹美徽絃翠葢亂以松水擬操白雪  
強名綠綺大音希聲無隱乎尔

摘阮圖

長松結陰芳草如莽丘中微吟有天際想彼阮者咸  
戮我撫掌一鳥不鳴衆山皆響

畫水仙花

取石為友得水能仙金相玉質林下蕭然

樂琴書齋

蕭齋何有有琴有書佩陶之言亦陶之徒

攬鏡

適然覽鏡我在其中當其無我馮此頑銅分形攝受  
我在何處火熾金鎔何以回互所見者光孰者為鏡  
見光為上所以病我持寸鐵不磨不瑩縱橫三界  
物々照映

黃子久小幅山水

一丘桓々曲折餘地石瀨濺々林薄翳々待仙有樓  
忘歸有臺雞犬相聞不相往來游神其間斂形如豆  
邈不可追隱入岩岫

書屏

山澤大寒朝氣上游淥波如雲孤嶼欲浮

五言古詩

玄洲精舍

吾愛紫桑言所居何必廣況此金鄉室寸地皆福壤  
岩栖晚更幽微雪帶林莽風生獨獸號山空衆泉響  
有聞唯寂音無媿即純想昔賢非樂此澹泊欲誰賞

獨游天信菴

獨行寒澗底蕭條濕霜露驚麝突人來躍入青蘿去  
落木深已腐亂石割芒屨我見康莊衢隘於林下路  
建蘭一枝浸菖蒲盆洗中宜若從類

美人折芳馨意重蒼玉玦把玩何以滋罌罌非所褻  
席間樹昌蒲泓然一螺雪猗蘭與之俱光景相洞徹  
迺若離羣居濯足以自潔又如服食士俛首尋九節  
振以冷風清食以寒泉冽秋菰雖云冷寧洗肝肺熱  
養目良區々出門芳草歇

四月旦舟抵錢源不數武出長塘湖水涸不  
能進是夕大雨明旦絕湖入白石瀆四十里  
即薛步

閣舟菰蘆渚夜雨來如期水生天未白拔施入渺渺  
穀初穎面螺黛新刷眉盛我大珠中獨與蛟人嬉  
使昔衝暝適幾用失此奇意行每如此動靜寧容私  
僧號月潮自金陵來乞詩

陰精赭玄水中黃溢金樞高深感盈縮在理信方諸  
氣機應辰至崩然衆壑虛十芒躍風輪不墜亦不濡  
鰲波激頤洞華耀寂以舒靈潤閱終古流明施八區  
彼美西方人頽仰誠有餘



獨酌

靜極忽不愜掩書曝前軒榮木樊四維時禽托孤園  
羣物方趨功吾衰恒晏然本乏超世才偶脫區中緣  
妙理寄濁醪嘉名愛灵山從吾所好耳富貴須何年  
己巳歲饑乞米

故人念我飢貸粟仍借車歸來荒山道不敢嗟馳驅  
升斗乞東家西鄰餅餽虛前車得傾筐後車已無餘  
餓殍滿中野搯擊將何如

玉蕈

山間采三秀尚之以瓊英明麗慚水芝豐腴謝山精  
濯以玉色醪毛以玉糝羹即此夜光草服食當眼明  
韓子自倔強但取木雞烹

讀五代書

五閏持旦暮各有忠義死寧表雲叟輩實誅長樂子  
獨行非激矯僅足以遠耻明、避俗心堂、報知己

寄虞侍講有序

伏讀遠祖季鷹雜詩有云榮與壯俱去賤與  
老相尋壯固去矣而榮非所慕賤且老非山  
林之真也聊韻五言五章寄上

拏舟昔行遽阻奉閭門宴一由山世闊幾玩霜暑變

遙應金閨夢夜對青城面嗟余往不返曷以道狂狷  
異哉於陵仲處此台鼎賤

架岩棟且撓何以守風雨靈人未降室形景相賓主  
頰傾乳豹啼仰聆高松語冥寐乃尚志悅悟詎求侶  
咄哉道非窮丘壑天所與

僊人如華月照耀金銀陽屢前談經席頻寓徵賢草  
味道以為糧掄才以為寶漢廷二司馬較之彼為少  
未信平津侯咲視轅公老

異時皇華使一返仁壽鄉再拜丞相孫父老涕泗滂  
劍履有遺跡宰木相與蒼感激施張道厥嗣久弥昌  
高厚論功德山川其可忘我識丁令威不如劉子相  
知北皆天游圖南猶陸沉豈無萬里風舉我埃壘櫟  
鍛翻非所任勗焉息中林長吟頌沉寢譬彼九臯音  
寄謝天祿閣藜杖或能尋

種栢

手遷稚栢栽荷鍾趨晴暄出彼榛穢區離立向南墩  
入夜霰雨集霑洒徧竹園竹欣栢亦悅況此薺麥根  
病夫濯足已政要雪塞門展茵蘆絮重漉酒松肪渾  
縣知天下寒尚愧一榻溫自無種樹書何以遺子孫

獨行

春泥未成莎曳杖柔且平春風不鳴條振衣涼且輕  
我意本靜悵中林便獨行松蓋無曲景水樂皆全聲  
踽々迫前岡悠悠度斜阮老樵眼如貓見我不問名  
直贈金光草疑是古先生

晚興二首

清夏晷舒偃仰托林麓枕冊輒酣寢把卷仍廢讀  
學筌忘有漸靜軌尋稍熟彼狂逐日者未得先償辱  
礎潤報時雨鴉啼催夕關盆荷初暎水蒲竹澹相參  
引我傾一瓢頽然窓几間夢乘鹿頭舫飛度浮玉山  
清風亦何預假尔聊往還

劉宗師謁貞白墓上獲紫芝一本先是虞  
侍講送還山詩云欲把紫芝歌隱德三茅應  
聽月明中余故實以此篇

昔在唐天寶芝生舊館壇陰宮代劍飛千載有遺丹  
真人帝所來上豕豈空還投我五色烟報之三秀繁  
瑞莖標麒麟寶葉綴琅玕既副詞臣頌貞符垂不刊  
偶題

蚤脩隱居服獨表外史冠無用固應尔豈唯能自寬  
樹蔭曲延坐鳥語密相誼墨卿悅性情麴生知肺肝  
求志一以遂吹萬何足論

福鄉仙臺晚步次韻季和

屠蘇我興衛雞犬一樊隔坡陀稍勃窣風葉凜輕策  
多君有仙氣廣額鬚蝟磔袍霜赤離々巾天青脉々  
手持金鴉鏤松下數神魄倘脩服食訣庶貸年運迫  
嗟余晚聞道衰髮無可白唯餘太平酒粗慰長年客

書東秀閣下小室

長松老人意傾蓋蔭其根下有尺宅土上為日觀軒  
迴互倚芝嶺刻畫分藥園岩陀曲如蝸々角有餘寬  
篆籀巾几淨燒术床敷溫請書大鵬賦為尔作屏藩  
製术煎成

菽藥非一鉏獲薪當幾輿火龍勤視鼎窮日金華沾  
山精有至精紫琳比其腴芬馨達雪廬滴瀝動烟厨  
始防橘术偷雞犬亦被駟滕以金甕儲量以翠管斟  
我得消勞瘠民瘵何由蘇鴻恩知出世唯有庾肩吾  
次韻倪元鎮游席丘

振屐稍踐危援藤遂支滑尚餘金玉氣山川相暎數  
泊吳不滿眼軒中樹如髮花覆闔閭城石繞生公榻  
適與幽人携及茲暮春月坐久得忘言移鞍蔭清樾  
玄文館省郎牛仲庸諸賢雅集籌韻賦詩得  
綠陰生晝寂第三字



館壇昔遊集河上樹陰成解后嗜石公初辭蘭省榮  
珎圖不停披華觴復屢傾燒香鮑靚室促席桓伊箏  
樵者本在山為子重入城能無伐木詩相與慰平生

午日烏蜀山人

道傳柳公自号

鄭石門子元祐小集

玄父館分韻得照字

陽礪青蒲積陰叢朱華耀兹辰属夏五撫景發悲嘯  
清飈進涼館溽雲頽高照楚狂非沉酣樂與探道妙  
河東擅雄文谷口專雅調而我結喉語轉鍊若牛噍  
中嫌野格卑外懼爵觥醕彦會寧復得歸歟從荷篠  
清權尊師集中覽庚戌見懷一詩感念今昔

自傷之情多

天既勞我晚不如早息我奚止七不堪於世無一可  
空山酒半瓢秃鬢花三朵平生仲長統誰能曲如瑣

感興

秋氣薄山木白露先蒼然如我老色至早衰豈問年  
既盛行復歇既促行可延我獨異於彼去留皆得全

湖上夜

湖水夜逾白衆山何默然遠火久亦沉菰蒲積無邊  
行雲時逆月微波暗啗舡展轉自無寐城中人盡眠

玄洲新涼快雨

偃息萬林秒葉聲知雨來既霑槁壤苗亦洒渴心埃  
着冠引寒泉振衣迎涼颼孰云羲皇遠一適遂與儕

鶴臺澗下有兩松對立如表交結如蓋翳在

藂莽過輒睥睨之乃乙亥冬閏王朔躬具畚

鍤徙澗一步便由松門出入茵巢曰之改觀

青松夾為門有意古人哉常見山中雲歸從門下來

頂上台仙宅根旁斗澗回由來蔣生逕豈為俗人開

兩鳥吟乙亥子冬二十有六日

東山高樹林中有兩鳥栖下上聲相酬翮其好羽儀

咄哉鬼蜮徒在陰久伺窺含沙中其一摧落不移時

其一哀嗷顧影長孤羈凡鳥雖累百生不與之諧

朝為雲中鸞莫作松下泥折我平生友淚盡書此辭

偶讀樊川詩其自遣云四十已云老側然有

感回用其末語次韻一首

五十亦稱老髮秃更無餘舌在母高論眼明猶細書

空中唯咄々夢裏且遽々不恨琴絃絕常恠酒疎

賃春媿伯鸞下帷慚仲舒向來高士傳於我意何如

紓情五言

宿植知好古託生

神元朝轂中非所游一命偶見逃句容愚迺容愚溪

賢者遭顧乏賃春力人役亦已勞望如野田鶴未舉  
先防高徒貽達四咄我景無持操

次韻張仲舉見懷

當酒悲慨深聞歌志意滿廣陵家無恙傳食諸生館  
如何山公啓蚤不置黃散翻覆如蝨蟬借書作妍暖  
一官魚上竹萬事蟹登斷所以鴻乙徒冥飛遂忘返

次韻倪元鎮見懷

玄句何蕭、咀味生華滋換著空頂幘把卷適臨池  
憐君柔緩情起我淹留思丘園歲將晏幽期方自茲  
陸渾古思仙

臨海燒山中乃有一仙人自號彭先生實是鄭子真  
頭著黃綃帽小舸乘水濱時來向人間采錄脩道身  
世路皆滛濁如何不我親

是歲十一月復還茅山十二月廿日雪廿六

日得春

風從廣莫來雪落不暇整萬林既璀璨一隙亦光炯  
挈將羣玉府置在積金嶺建節迎東皇何辭羽衣冷

陳衆仲儒學副提舉秩滿入都

春山多游雲文采美無度若人廉且貧被服皆寶璐  
三年杭州飯鮭羞亦已飫留我翠雨亭還君玉堂署

倪元鎮玄文館食飲

親知貴泐密屢此良燕會堂陞自崇廣促席歸卧內  
說詩盛使氣屈折高李輩更端輒咲謔知節已霑醉  
玲瓏雨花亂蕭屑風竹碎政使韓伯休移床夜相對

雨宿玄文館懷惠山

十日閉春院草積青苔厚梢止侵窓雨爭鳴決渠溜  
想見嵎口泉玉色動闌甍便尋雙鳬舄翻飛入烟岫

上己日游惠山訪趙蒙山別業次韻元鎮

濯、嘉樹色肅、紫殿陰崇岡既延睇寒泉復洗心  
節物士女繁而我得孤吟杖者足易疲移舟指烟林  
龐公豈無家魚鳥不厭深適茲芳春月就子玉山岑

次韻謝別元鎮

平生好游意於世未數、誰能長隱几局促守南郭  
君家雲林幽夢寐所栖泊願予衰白久一見當叱咤  
鳳雛世未識夙昔有成約白衣造齋閣清童觸鈴索  
浪迹何由拘進退如野鶴向來濟勝具不借猶可着  
他山好泉水揮弄還自酌時禽集芳藂文魚躍陰壑  
到處一卮酒風軒看花落野簌間侯鯖提携出絲絡  
主意亦云厚未厭此客惠外人那得知孤雲豈無托  
不見塚壘、安用綬若、期之采真游取味在藜藿



謁搏桑

一尺水蒼玉刊為謁簡文臣雨再拜謁搏桑太帝君  
下土恒寒若風雨來無垠時當二陰節夜短晝長昏  
家々曳木履朝々拖絮帚高田陷白水立苗那得耘  
願借三足鳥老距裂浮雲暴磔盡龜輩曬乾鸞鵲群  
羲和遂命駕廓哉天地分

虞翁生為龍虎山柯君作天樂說要予詩后  
至樂本無樂天君恒寂寥鵬鵠體則殊大同一逍遙  
吟咏東柯仙怡神々自超已無赤松子或有青城樵  
人日後雨雪復作

雨雪出年後青春為白水伊誰惜光景太息巢居子  
詰朝始雷候生物具敷藹遂令整護者思逐龍蛇起  
蕤賓鉄琴詩有序

管子曰不可呼以聲而可迎以音其蕤賓鉄  
之謂歟芳洲法師所蓄琴體製合古篆銘特  
佳近代所希有因發其義賦詩一章仍用孤  
山中庸子古琴詩韻示不忘本也

伊誰識古鉄遂將銘雅琴金木有相感況乃達人心  
無心始朝徹有耳皆哇淫自非一再行終作千丈沉  
素絃山雨慢石薦紫苔侵我來為拂拭懷古抑何深

抱之望虞舜願鼓南風音

揭學士舍我歸豐城大雨阻江干五日

纜舟湖濬淺出門兩脚大宛轉不能留倉卒解其縛  
城中泥沒膝想見愁無奈已束錢唐裝難鼓桐江柂  
疾風日夜作屋瓦遭掀播莫揺白板扉上有青城唾  
草樓屹不動猶想元龍卧天明望旭日一葦秋潮過  
飲太乙宮次韻明德

子真天下士開口祇譚玄聚散屈伸肘光陰大小年  
室虛仙樂降飲長宮燭然道師若山雪照耀石門泉  
會有青藜杖叩君床榻眠

十月

簷間飛蠅聲屋頭霜葉鳴羣蛙且閤々似與池鴈爭  
亂似癡蚊語夜枕不能平如何肅殺候陰類方施行  
老鶴但俛首呼之嬾能應

四明呂與之許寄塵尾

海濱呂道士知我尚幽奇欲寫琴心去當攜塵尾來  
豈無白羽扇塵埃寧復持常從野人語聊代青松枝

吳市湯文英賣藥七世同居

吳中有隱者野服意蕭散自非韓伯休梅尉乃其伴  
世人常見之種德不自滿如何同居久尚見黃楊短



服用雜詠四首

十年著一冠一冠已三載緇塵無留迹色為玄雲靄  
長纓安所施輕道猶足挽每彈出新沐泥丸映朝彩  
短髮不容被初服詎可改

右玄冠

衣褐賤者徒寬博孰敢擬一裘三十年昔有齊晏子  
寒溫屢開闔補綴亦云幾與衣狐貉立翻為仲由耻  
信有不變玉貞哉居白裏

右素褐

客從麻姑來遺我褚素衾肪膚皓難澤銘骨滑易伸  
妃此木匡床共葆一色純雞鳴風雨夕鴈度霜雪晨  
褚君方眷目之乃凝神

右褚衾

粵昔大知舜有作陶河濱先民尚其質後世挹其醇  
我亦舜之徒對之稱素臣木槩仰承是秋水酌及脣  
守此三代寶孰謂吾廬貧

右陶尊

雪中用元鎮見懷韻

郊邑乍飄瞥林岫皓已盈陽簷凍羽墜陰壁素苔生  
擁衣一再起挈壺時復傾高卧足自了飢寒迫人情

盤車圖

回車指江南輜重來未已莫問橐中裝但看城門軌  
不緣車折軸有日輸官裏

二禽圖

尔鳩何佻巧錯々繡其領一為晴雨誤更眩羽毛整  
鵲巢豈不佳願弄棘枝影君看九皋鳥素意良不逞  
尔鷦豈真淳好鬪頗爭雄野田無餘穗偷我枸杞紅  
蒼鷹鳴聲飢側目在曾空早從斥鷃徒自蔽蓬蒿中

斷江和尚遷化追和芙蓉洲雅集韻悼之

一讀遠公作竹樹動涼颿蕭々葛衣雨朱陽不敢驕  
共戲芙蓉洲獨憶青城樵華蓋未即往雲門久相邀  
如何千峯雲散去不崇朝子立井上松頻視風木搖  
未信塔中人直為艾與蕭琳瑯有道韻自足洗煩囂

中庭移石

前朝一片石墻根黃土埋人力以置之兀然向高齋  
汲泉洗其泥秀色冷侵階穩々樹陰坐箕踞脫芒屨  
舉目視雲漢亦足舒吾懷

二君詠贈南康黃虞尚德

父有黃徵君隱居三百季所居陶令宅所種陶令田  
手把白鹿紙濯足臨斜川風吹頭上巾醉卧菊叢邊  
碩彼佟儼等五子羌若賢

徵君字伯庸宋文鑑公諸孫隱居教授尚德其長子也

武有皮將軍好書不好武化兵為農器耕種廬山下  
農閒事畚築々屋醉石處堦年挂壁間長倚松樹  
時々跨牛出相過黃牀度

將軍字小山星子里人虞太史稱其好賢樂於築醉石書院于栗里

陸季道為張元明作雲山圖求詩其上

羣山如陣帆出沒洪濤中白雲自多奇不倩粉墨工  
澹然相怡悅所得亦已豐石門吾故廬奚必窮華嵩  
題無外墨蘭

藁蘭生深林衆草連根株國香不可掩政尔山澤癯  
如彼上人者鳴居東海隅清風洒六合燕坐祗如々

番陽蔡忠伯為寫綠竹虬枝題三韻

此君本孤直托根泰山巔偃為三冬卧頽此千仞縣  
咄哉老澗底徒詠山苗篇

山友寄陽和菜

陽和有佳名來自桐君廬竹萌且濡弱荻笋已豐腴  
薑醯助芳辛濁醪為先駟猪肝能累人我豈仲耕徒  
念此風雨中遠為致佳蔬械詩谷幽意老饕良足吁

案上稚松

松身不盈尺已有千尺勢高枝走復昂卑者偃將墜  
低回耳目玩屈折風雨氣那知閱世人壽與金石弊

次韻陳勗初清風堂讌集

冬仲上七日教父生其時耆年負道德天爵豈人為  
長眉王仙伯玄宗相羽儀是日設高會鼓舞稱頌之  
使者亦在門少停駟騎馳再拜廣成子遥奉金屈卮

客有陳校書喜賦嘉賓詩冬無祁寒小民寧怨咨

清風被一堂物象皆愉嬉罄此今日歡黃昏以為期  
酒深花韻馥樂細壚熏遲外省諸大臣頃刻集於斯  
父駟參羽蓋盡戟交金支肥鮮具鼎食特與老人宜  
前訶秉明燭再醕碧琉璃心存魏闕下身在吳江湄  
從茲至千歲屢和瓊瑰詞

學耕深隱

竹素為良田筆扎為耒耜深畊勿鹵莽進學乃能事  
手鉏不貸圃辛苦以求志誰哉有餘力為我治荒穢  
為宋直方賦菊岩

空岩何所有采々多寒華芳藁既藿靡乳穴亦豁豁  
幼與一丘壑豈必柴桑家夕英被雲竇朝露盈石窪  
企彼中林子其樂當無涯

四月十九日杭城火燬數萬家開元再造廿

一季至是復燬書異鳥一首以自解

異鳥鸞之族臆對如有訴自從羽翼成栖息無定處  
一飛三十載營巢經十度普福觀開元宮福真觀茅山崇壽觀  
元符元年宮玄洲精舍南山墓廬

北郭西湖兩遷草樓  
今次開元房或遭惡禽逐或讓拙鳩住在山業風飄

在世劫火聚至今還露宿進退莽無據主人向鳥言  
觀汝有奇趣大鵬隘六合天地亦暫寓食汝琅玕實



置汝瑤華園寧若瓜牛廬偷生在朝暮

初陽臺集老子註

閑居葛翁館載繙老氏書肅然開寶蘊浩若披海圖  
仰觀宇宙大煩憐心力微日月有成毀不毀獨玄虛  
疏櫺既隱約岩岫亦縈紆林雨奔綠氣風花哆紅柎  
養生竹素間而我羨蟬魚總角志聞道白首將焉如

種百合

嘉名寄幽本曾々立庭莎花房玉鵲尾垂露各偏頗  
靈根味方澹寧忍鉏其窠養生柳夫子唯種白萋荷

陽德館新居

人境殊谷口園公類河上置身火浣宮分地度尋丈  
重屋僅庇日聽事始草創長溝貫北壁暗水借湖漲  
其偏有積石苔竹稍弥望昏墉為我鑿灵戶擴以曠  
不煩運几席有若坐舫舫雖大安僻側魚鳥忻近傍  
嗟哉所知小知足乃不讓孰匪逍遙游日之齊得喪

廣德簿徐明初偕秋試諸君飲分韻得君字

栽竹未成徑候已異人羣室中無飛埃牖下有栖雲  
茲辰二三子興致豫章君坐席促尤密咲言溫且文  
方外日畧長卮酒易夕曛宰邑雖隣近幽襟詎能分  
十月笠澤觀稼

三吳本澤國取壤獨宜禾具區四為維天水遙相磨  
浪痕栖半堵今猷數尺坡羣山指洞庭未若稻積多  
菴稚咸熙々放豚蕪牧鷺牛背者誰子日夕猶唱歌

魚我亭

生物均至性為樂非外借以身而觀身于以知天下  
作亭謝公墩魚我適閑暇奚必濠梁游循本此其舍

十月十八日夜震澤風大作明日大雪風雪

異常又明日甲子出大寒得詩二首

弱齡逃世網一勇以求志折旋四十載竟坐有身累  
大拙使為巧小樸使為器用是役於人夫豈足言智  
飄風鼓具區如我長噫氣追惟年運往通昔遂忘寐  
聖人罕言命天道昧難致委順待時來餘日敢終棄  
晴燠不可恃一夕冬令變遽忘和煦恩惟曰祁寒怨  
老屋雪投隙廣澤風肆便反覆鼓洪濤揚簸塞荒塹  
隱然洞庭樂勇甚闔閭戰萬物芻狗如埋沒加蹂踐  
凌晨劇嚴沍野日復慙積仁哉天地心觀復斯可見

謝康樂宴坐圖

好為山澤游矧此靈鷲嶼松枝蘊曲盖草帶解縣組  
空巖收經坐塔像為賓主羊何會當來摘茗付烹煮  
予心本無待聊以閱衆甫

黃晉卿提舉徐明初主簿偕游南屏以白頭想見江南分韻得想字

錢湖多名魚罟害魚長方舟澹容與亦復避鳴槳  
指游南峯寺杯水如在掌展席海漚疑掃壁風篁響  
跡陪金閨彥興踰石門賞摘辭遺來者雋咏數遐想

其二

湖山如繡畫無復舊東南百年凋瘵餘風景良不堪  
禪榻亦埃塵曾屋猶耽々意行何所訢取興於烟嵐  
長歌肆激烈雅飲謝沉酣詎學桓司馬種柳哀江潭  
龍虎先天觀十四韻為毛村達作

往讀戴子記蚤閱先天圖若非古樓觀定自小方諸  
何年發竒璞琢斷無遺餘後來更面勢舊制亦權輿  
羅峯既雜還盤徑復行徐行經濯足澗疑泛石魚胡  
崖傾索梯峻林缺表亭孤鳴泉參鳳袍歸雲羃綺疏  
雲上僊風來散華時與俱不知甘露集瑤草綴流珠  
縣圃垂光精濯漑渴蟾蜍往々服食久道師冰雪如  
常哦七言章盍噉三皇書為掃毛公堦遲我雙飛鳧

雲山圖

青山澹無姿々媚在游雲政如老禿鬢醞藉於斯文  
離塵獨偃蹇被物皆氤氲孰究變化蹟動靜俱可訢

和荅高元璞見投

衰羸坐蹇弱況乃出無車豈無崇賢門我蹟自云踈  
多子亦好脩肯過蓬華居挈壺藉草飲洒筆臨池書  
意游山澤間蓋嘗與之俱不知老將至但覺日不如  
何由反斯世黃髮於唐虞

南山病中雜詩

毒熱無遁跡風雨肆飄搖悠々逆旅舍栖々病僧寮  
形唯莞席親過午飯一瓢受命不可易養空遂能超  
老骨備衆患直用一丸銷

神蛟宅大壑杯水填外壙存身極幽眇息與溟海通  
嶺上層寸雲山下百丈降槁苗非吾過沛澤非吾功  
天地有不仁孰逃嗟吸中

獨游龍井方圓菴僧照請閱五賢二開士畫

象壬午九月廿六日也

獨尋招提游果得世外歡昔賢所栖集畫象藏屋端  
山僧啓鎖魚不待啜茗乾脩廣各異製精采俱生完  
侍郎胡金華高插侍中冠眉間可容掌手版出中單  
清猷薄須眉示我鉄肺肝尚餘所施物片石櫛而刊  
堂々蘇長公英氣邈難干印枝紫道服天風吹袖寬  
穎濱與淮海秋色亞曾巒叅叅獨緇衣領髮茁芽管



最後辨才師文衲高座安空山一室內舉目皆龍鸞  
再拜傾挈壺喜極重悲酸去之三十年歸路何湯々  
斯人為列星下視沙蟲繁寧不念學子道路救凋殘  
抵舍函摹貌微哉難控搏夢中倘未遇展詩時一觀

任少監畫馬

素練如平沙二駿行相追奚官兩紫髯牽浴試一騎  
安得真龍種從我駕御之

奉次黃提舉卅韻送陳性初天台省覲

金華黃太史出為儒臺冠詩文齊六經韓語奇古誰  
敢傳如掇明月珠妙在九曲穿而子工筆札狗監非  
所薦挈之登龍門果獲尾時彥孜孜勤操觚屹々勞  
染翰敏手不暇給精筆且屢換憐才吾輩事子乃羞  
自獻繇茲數來往無事輒相見湖嶺錯紆烟靄爭  
變幻一昔快雨餘春物已消半言歸天台與俄頃語  
離散此手不易執明日施樓飯迨々望白雲瀑布聲  
許悍赤城亞滄海丹霞以為岸倘遇仙者徒勿易樵  
牧賤予衰志求道千載猶暮旦老經三百家一々理  
殘卷霜華犯冠簪墨汁漬巾汗何功使願果盡力輸  
老腕子書能瘦硬捩眼秋隼健隄餘篋中字照我目  
光爛送子望涯返回首窮海甸春夕豈不短反側移

漏箭稍夢金庭遠還逐濤江亂喻知家庭樂旭日陰  
始判身扶老人杖衣借慈母線還期當及時遲子秋  
水觀栖々寡儔侶孤坐至日晏追步太史作用以申  
縷々

雲扉分韻得山字

芳春悅羣動石心胡爾頑頑諧朋從樂好鳥猶喧々  
追惟觴咏閣眷盼風日慳誓將面逝川永此一刻間  
縟苔有隱迹妙卉無顏顏古來幽貞廬相望屬南山  
寒流導前旌暝雲載俱還我車故逶迤庶使來者攀  
雲扉分韻得作字

道言匪虛無梵冊皆矩矱予志夙有尚白首戀雲壑  
往求會心侶所遇惟寂寞空山合澗鳴淨界春陰薄  
攔楮屬烟靄堦基連巘岬稍淹林下語遂徙池上酌  
疎懷寄儻蕩荷禮謝握齟彷彿臨河集希閣舞雩樂  
碩陶一卮酒謬寄千載托有能踵留轍將亦感斯作  
九日風雨清齋既久意態泊然

中林授衣節寒氣早已集牖戶泊裘褐凡百關治葺  
窮居昧時序頗訝光景急藁篁助幽翳濃瀨發空寂  
水禽穿屋過岩樹排簷入陶尊既塵漬墨突亦雨立  
遐思把菊咏端處掬溜室空言非樂餌殆不廢九日



贈鄭明德

五季雖無人獨行惟鄭張今子載同世而我匪異鄉  
薦明吾不如子則雲叟強嘉子行秘書以腹為笥箱  
操觚仍尚左立辭多惡方吳兒命乞錢掉臂輒取將  
智如泥中龜處汚深蓋蔽烟庖縣大齋蠹屋排積倉  
兩兒稍卷婁終歲乏彷彿適經吳市門邀我羅酒漿  
犬子小名舊蛾眉新畫長吾家老瓦盆無此金玉相  
寒林踰正色國艷終媚香狷者有不取聖罔念作狂  
願子勗明德豈惟家之慶異時同傳好吐哉無歐陽

雨歸澗阿

步歸靈石鄔泥涂居士屨不知嵐雨深稍怯布衣薄  
拂床次羣帙掃逕堆脫籜清坐亦偶然吾非慕仙爵

仙爵見韋蘇州早春歸沐五言

栗窠崇德願舜卿請賦

燕秦千樹栗處士比封君營窠深且安有巢何足云  
其陰食衆狙其顛宿孤雲霜林餘碩果歲暮方策勲

勾曲外史貞居先生詩集卷之一

勾曲外史貞居先生詩集卷之二

澗阿

小丘藏澗阿好鳥常栖宿蒙籠蔭雜樹蔚密連深竹  
日光稍穿漏當晝露如沐橫陳木榻外顛倒潭水綠  
偃仰貴得性所以一瓢足

次韻天鏡僧昧旦絕湖二首寄謝德嘉徵君

湖光絕溟滓纖芥容一舸渾々元氣中山為破竈墮  
前境有通塞所見遂偏頗日出妖霧起蚊蚋雜螺贏  
岸頭濯足竟却還林下坐

白波忽無際黝者為樹林桴音適延緣漁歸蒲稗深  
其語遠若聞其迹杳莫尋仙人愛空水或是赤脚琴  
味爽差有睹遲子一再臨

洪崖仙人圖

西山有洪崖絕壁洒飛泉其下井洞幽湍激如控弦  
神境闕天寶先生所周旋世主驚識之席帽未衣鮮  
侏儒吻侵角有若弄臣然雪精豈青驪預識入蜀年

金陵

金陵二開士特恩階太中一居五山首少林之變風  
一迂住双徑幾陷綠林鋒遭遇固有時乞身豈不容  
使若避魔劫何足稱大雄